

《春秋》讨论稿 III

经与权

赵阳旻，14307130067，计算机科学与技术

2017年6月2日

太史公曰：为人臣者不可以不知《春秋》，守经事而不知其宜，遭变事而不知其权。于是陷篡弑之诛，死罪之名。其实以为善，为之不知其义，被之空言而不敢辞。¹ 故知汉儒以知权为贤。

《公羊传》言权者何，曰：权者，反于经然后有善，舍死亡无所设，自贬损以行之²。

故行权在子不在父，在臣不在君。不能行权者，置父、君于死地而不知权宜，其行事或过或不及，于是事败而被之空言，遂有篡逆弑君之罪。墨守陈经，不及；非有善果，非死生之地，非自贬损不害人者而擅动，过矣。故为子、臣而不知《春秋》，则不知所宜。

¹ 《史记·太史公自序》：《春秋》之中，弑君三十六，亡国五十二，诸侯奔走不得保其社稷者不可胜数。察其所以，皆失其本已。故《易》曰：失之毫厘，差之千里。故曰：臣弑君，子弑父，非一旦一夕之故也，其渐久矣。故有国者不可以不知《春秋》，前有谗而弗见，后有贼而不知。为人臣者不可以不知《春秋》，守经事而不知其宜，遭变事而不知其权。为人君父而不通于《春秋》之义者，必蒙首恶之名。为人臣子而不通于《春秋》之义者，必陷篡弑之诛，死罪之名。其实皆以为善，为之不知其义，被之空言而不敢辞。夫不通礼义之旨，至于君不君，臣不臣，父不父，子不子。夫君不君则犯，臣不臣则诛，父不父则无道，子不子则不孝。此四行者，天下之大过也。以天下之大过予之，则受而弗敢辞。故《春秋》者，礼义之大宗也。

² 《公羊传·桓公十一年》

1 天下溺援之以道

淳于髡与孟子论“男女授受不亲”³，孟子曰：“嫂溺不援，是豺狼也。男女授受不亲，礼也；嫂溺，援之以手者，权也。”此为死生之地，出乎善心且有善果，自污名以救之，故此虽反于经，孟子贤之。

天下亦若是乎？孟子之时，秦用商鞅，魏用吴起，齐用田忌⁴，海内争于战功，以攻伐为贤，其礼崩乐坏较之春秋更甚。故淳于髡续论天下：

曰：“今天下溺矣，夫子之不援，何也？”

淳于髡曰“天下溺”，言如今战国暴乱，兵革不休，民生凋敝，如嫂之溺于水也。嫂溺，能反于礼经以救之，何故天下溺而不能？举世混浊，何不濯其泥而扬其波，反于文、武、周公之经，从战国之权变，强兵并敌，纵横短长？今孟轲深思高举，述唐、虞、三代之德于乱世⁵，如见嫂溺而不援手，谬矣。

孟子对淳于髡，

曰：“天下溺，援之以道；嫂溺，援之以手。子欲手援天下乎？”

故天下之溺于暴戾，虽在死生之地，非道不能救。

嫂溺于水，援手救之虽离于经，其出乎仁心，又合乎道，在可以然之域⁶。太史公曰，礼依人性而作⁷，焉能以礼废仁也，故救之。

祭仲废昭公立厉公，如君之将溺也，援手助之。如祭仲不以臣逐君，固合乎经，然昭公将死于非命，如溺毙于水。今逐之，从权也，则昭公可存。

然天下则不然，其非礼不能立，非经不能正，非道不能救，故孟子讥淳于髡“欲手援天下”。

³ 《孟子·离娄上》

⁴ 战国背景：《孟子集注·孟子序说》，朱熹

⁵ 孟子事迹：《孟子集注·孟子序说》，朱熹

⁶ 可以然之域：《春秋繁露·玉英》

⁷ 《史记·礼书》：洋洋美德乎！宰制万物，役使鬻鬻，岂人力也哉？余至大行礼官，观三代损益，乃知缘人情而制礼，依人性而作仪，其所由来尚矣。

2 《春秋》改制援天下

战国百家权变者众矣，墨者俭，法家严，名家苛察缴绕，道家无为⁸。及至秦始皇，用李斯之术，废先王之道，焚百家之言⁹，离经叛道甚矣。此谓何？奋其私智而不师古也¹⁰。繁刑严诛，吏治刻深，赏罚不当，赋敛无度，天下多事，故陈涉一夫作难而七庙隳，此以手援天下之溺也。

善哉贾生之言¹¹：

先王知雍蔽之伤国也，故置公卿、大夫、士，以饰法设刑，而天下治。其强也，禁暴诛乱而天下服；其弱也，五伯征而诸侯从；其削也，内守外附而社稷存。故秦之盛也，繁法严刑而天下振；及其衰也，百姓怨望而海内畔矣。故周五序得其道，而千余岁不绝；秦本末并失，故不能长。

故知天下之溺不能以手援之。子曰：“为政以德¹²”，政治天下，要之以仁义为本，此经之常也，朱熹曰：“天下后世不易之大法¹³”。于是周先王用公卿、大夫以治天下，周公作礼，不外乎仁心。秦用商君、李相，亲亲尊尊之恩绝尽，严而少恩，仁心不存。

故孟子曰天下溺援之以道，仁义为经之常，不可改也。仲尼托《春秋》存殷、周二王之后以王鲁，改正朔而行王道。虽变周旧文，其仁心不易，匡扶中国以至于善，此不同于暴秦，故曰行权变也。《诗》云：“周虽旧邦，其命维新”¹⁴，其意一也。

⁸诸子百家评论：《史记·太史公自序》

⁹《过秦论》，贾谊：于是废先王之道，焚百家之言，以愚黔首。隳名城，杀豪杰。收天下之兵，聚之咸阳，销锋镝，铸以为金人十二，以弱天下之民。然后践华为城，因河为池，据亿丈之城，临不测之渊，以为固。良将劲弩守要害之处，信臣精卒陈利兵而谁何。天下已定，始皇之心，自以为关中之固，金城千里，子孙帝王万世之业也。

¹⁰《史记·项羽本纪》

¹¹《过秦论》贾谊

¹²《论语·为政第二》

¹³《朱文公文集·卷十四·甲寅行宫便殿奏札二》

¹⁴《诗·大雅·文王》